



LASARTE-ORIAKO UDALAREN ETA BURUNZPE GURASO ELKARTEAREN ARTEKO HITZARMENA

IDENTIFIKATZEN DIRA

Alde batetik, Agustin Valdivia Calvo, Lasarte-Oriako udaleko alkate gisa (IFZ: P-2009500-F), hitzarmen hau sinatzeko baimena duela, legeak ezarritakoarekin bat etorritz, bere kargua betez eta esleituak dituen ardurak bere gain hartuz esku hartzen duela

Eta bestetik, Alfonso García Clavo bere NAN zenbakia XXX6570XX izanik, Burunzpe guraso elkartearen ordezkaria, eta helbide soziala eta fiskala Lasarte-Orian, Kalbario bidea, 4 zk.an (20160 - Gipuzkoa) due (IFK G20609921). Burunzpe guraso elkarte Dirulaguntzen Eskatzaileen Udal Erregistroan inskribatua dago 3 inskripzio zenbakiarekin.

Aldeek hitzarmen hau beren izenean eta ordezkatzeko dituzten erakundeenean sinatzeko nahikoa lege-gaitasun dute eta hala aitortzen diote elkarri, eta hori dela eta:

ADIERAZTEN DUTE

I.- Lasarte-Oriako Udalaren borondatea da, EUSKARA Departamentuaren bitartez, Lasarte-Oriako udalerri barruan kulturaren, kirolaren eta gizartearen arloko elkarteekin batera udalak betetzen dituen jardueren kudeaketa bateratua errazten duten proiektuak sustatzea, horiek dituzten ezaugarri bereziengatik.

II.- Burunzpe guraso elkarteak Lasarte-Oriako Udalarekin elkarlanean aritzeko interesa du bere helburu sozialaren eremuan jarduera batzuz egitea helburutzat duten kulturaren arloko proiektuak garatzeko eta, bereziki, ikastetxeko haurren euskarazko gaitasuna eta erabiltzeko ohitura sustatzeko.

Burunzpe guraso elkarteak Lasarte-Oriako udalerrian hainbat eginkizun eta jarduera egiten ditu, oro har herritar guztiei onura dakarkietenak, baita jarduera-programa bereziak ere.

Aipatutako programa horien bidez Lasarte-Oriako udalerriaren alde eta mesedetan nahikoa lan-esperientzia egin duela frogatu du, baita koordinazio on bat eta seriotasuna ere EUSKARA Departamentuari laguntzeko jarduerak egiteko orduan.

III. Burunzpe guraso elkarteak adierazten du ez dagoela Dirulaguntzei buruzko 38/2003 Lege Orokorreko 13. artikuluko 2. eta 3. ataletan adierazitako onuradun izaera erdiesteko debekuen artean.

IV- Udalaren iritziz, elkarte horrek egiten duen lana interes publikokoa da, eta Udal honek euskararen erabilera sustatzeko xedez burutzen dituen jardueren bultzada eta osagarri da



V.- Euskadiko Toki Erakundeei buruzko apirilaren 2ko 2/2016 Legearen 17.1 artikularen 26) apartatuaren arabera, udalerrien eskumena da «Euskara sustatzeko eta erabiltzeko politikak normalizatzeko, antolatzeko eta kudeatzeko planak, lege honen 7. artikuluan xedatutakoari kalterik egin gabe.

Hitzarmen honen helburua udalerriko bizilagun-komunitateak dituen premiak edo interesak asetzen lagunduko duten interes publikoko jarduerak sustatzea eta babestea da, eta bereziki, belaunaldi berriek euskara gehiago erabiltzea.

Azken batean, izaera ekonomikoa duen neurri bat da, eta horren helburua, hain zuzen ere, dagokion jarduera burutzeko nahikoa baliabide ez duten herritarrek berek norbanako gisa nahiz elkarte bateko kide gisa, libreki, helburu kolektibo komenigarri eta desiragarri batzuk betetzen laguntzea da.

Gainera, herritarren interesen alde ibilbide luzea eta esperientzia nahikoa egin izana egiaztatua dute partikularki.

VI.- Dirulaguntzei buruzko azaroaren 17ko 38/2003 Lege Orokorraren 22.2 eta 28.1 artikuluek aukera ematen dute zuzeneko dirulaguntzak emateko hitzarmenak formalizatzeko

VII.- Lasarte-Oriako 2024-2026 Dirulaguntzen Plan Estrategikoan (DPE), Alkatetzaren otsailaren 29ko 442/2024 Dekretuaren bidez onartu eta 2024ko apirilaren 24ko Gipuzkoako Aldizkari Ofizialean (79 zk.) argitaratutakoan, dirulaguntzen ildo espezifiko hau jasotzen da

VIII.- Lortu nahi den helburua erdiesteko xedez jardungo duen erakunde bakoitzak horretan esku hartzeko baldintza orokorrak finkatzeari begira, HITZARMEN hau izenpetu da, eta Dirulaguntzen Ordenantzan xedatutako ondorioetarako, oinarri arautzaileen izaera edukiko du, ondorengo klausula hauekin bat etorritz:

KLAUSULAK

LEHENENA. - Diru-laguntzaren xedea

Burunzpe guraso elkartearen ondorengo programa hauek eragindako gastuak zati batean ordaintzeko xedez gauzatu da Hitzarmen hau:

1. Gurasoentzako euskarazko eskolak
2. Eskolako egutegia
4. Gu ere bertsoan
5. Hezitzaileek asko egin dezakete
6. Patioan tinko

BIGARRENA. - Indarrean sartzea eta indarraldia.

Hitzarmen hau sinatzen den egun berean sartuko da indarrean.

**HIRUGARRENA.- Elkartearen betebeharrak.**

Hitzarmen honek aurkezten dituen jarduerak garatu ahal izateko, elkarteak hitzematen du ondorengo betebeharrak beteko dituela hura indarrean dagoen bitartean:

1. Hitzarmen honen xede diren jarduerak burutuko ditu, hitzarmen honekin batera doan I. Eranskinean jasotako xehakapenarekin bat etorritz.
2. Jasotako dirulaguntza hori oso-osorik emandako helbururako xedatuko du.
3. Beharrezkoa den informazioa jakinaraziko du Lasarte-Oriako udalerri barruan eragindako pertsonak ezagutu dezaten, eta Lasarte-Oriako Udalaren logotipo instituzionala egiten den propaganda guztian barneratuko du.
4. Jarduera horiek guztiak horien hartzaileentzat zentzuzkoa den ordutegi baten barruan garatuko dituzte, ezohiko kasu batzuetan izan ezik, eta halakoetan, Lasarte-Oriako Udalaren berariazko baimena beharko da.
5. Aipatutako jarduera horiek herritartasun onaren arau arruntei jarraiki egingo dituzte, horiek egiten diren bitartean eragozpenik eta arazorik sortu gabe.
6. Teknikariekin eta udaleko gainerako langileekin egingo diren koordinazio, programazio, jarraipen eta ebaluaziorako bileretara joango dira, hitzarmenaren xede diren jardueren jarraipen egokia eta, halaber, horien ebaluazioa egin ahal izateko.
7. Programatutako jarduerak garatzeak eta burutzeak, eta elkarteko kideek beren eginkizun eta jarduerak betetzeak eragiten dituen erantzukizunak bere gain hartuko dituzte.
8. Ikasturteko indarraldia izango duen jarduera-proiektu tekniko-ekonomiko bat aurkeztuko dute proiektuaren hasieran, jasoko diren funtsak zehaztuz, eta halaber, jardueren amaierako txosten bat lotuta utziko dute, hurrengo apartatuetan zehaztuko diren bide formaletatik aurkeztu beharko dena, emandako dirulaguntza justifikatzeko epearen barruan.

LAUGARRENA.- Euskararen erabilerari buruzko konpromisoa

1.- Elkarteak euskara edo, bestela, euskara eta gaztelania erabiliko ditu egiten dituen jardueran-eremu, deialdi, publizitate eta abarretan, Euskarari buruzko Udal Ordenantzan ezarritakoarekin bat etorritz.

Lasarte-Oriako Udalak atal honetan zehazten diren hizkuntza-konpromiso guztiak betetzen direla ikuskatu ahal izango du. Horretarako, kasuan kasu erabakiko du zein neurketa-sistema erabili eta elkarte derrigortua dago eskatzen zaion informazioa ematera.

2.- Jarduera adin guztietako herritarrei zuzendua bada, eta haiekin ahozko harreman zuzena baldin badu, lehenengo hitza euskaraz egingo dio herritarrari, eta ondoren herritarrak egindako hizkuntza-hautuaren arabera jarraituko du. Harremana megafonia bidezkoa bada, bi hizkuntzetan egingo da, euskarari lehentasuna emanez.

Haiekin idatzizko harremanik baldin badu, herritarren esku jartzen dituen idatzizko elementuak euskaraz edota euskaraz eta gaztelaniaz emango ditu ezagutzera eta, bigarren kasuan, euskarari emango dio lehentasuna.

3.- Jarduera 16 urtetik beherakoei zuzendua bada, euskaraz izango da, ahoz zein idatziz.



BOSGARRENA.- Genero-berdintasunari buruzko konpromisoa.

Elkarteak konpromiso hauek hartuko ditu:

* Hizkuntzaren eta irudien erabilera ez-sexista egingo du dirulaguntza jasotzen duten programa, proiektu edo jarduerak sustatzeko elementu gisa lantzen dituzten kartelen, testuen eta agirien edukietan.

* Bere ahalmenen neurrian, Emakumearen Nazioarteko Egunean eta Genero Indarkeriaren aurkako Nazioarteko Egunean Udalak garatzen dituen ekimenetan lagunduko dute.

* Genero-ikuspegia lan-ildo gisa barneratuko dute eta Genero Berdintasunaren alorreko balioak defendatu eta sustatuko dituzte dirulaguntza jasotzen duten programa, proiektu eta jardueretan

*Emakumeen eta Gizonen Berdintasunerako eta Emakumeen aurkako Indarkeria Matxistarik Gabeko Bizitzetarako Legearen testu bategina onartzen duen martxoaren 16ko 1/2023 Legegintzako Dekretuaren 23. artikuluan xedatutakoa betetzeko, dirulaguntzak ematerakoan ezarritako betebeharrak betetzen direla justifikazio-memorian, emandako zerbitzuaren azken onuradunen edo erabiltzaileen, erakundearen titularren eta plantillaren, eta, hala badagokio, dirulaguntzaren xede den zerbitzua emateko kontratatu den erakundearen plantillaren sexuaren arabera informazio banakatua emango da..

SEIGARRENA.- LASARTE-ORIAKO UDALAREN betebeharrak.

Udalak, EUSKARA Departamentuaren bitartez, konpromiso hauek hartuko ditu:

1. Emandako dirulaguntzaren erantzule den Elkartearekin jarraipen eta koordinaziorako bileretarako deia egin eta bertan parte hartuko du.
2. Udalaren baliabideen bitartez programatutako jarduerak ezagutzera ematen lagunduko du.
3. Dirulaguntza izaera duen eta hurrengo apartatuan ageri den ekarpen ekonomikoa egingo du.

ZAIZGARRENA.- Ekarpen ekonomikoa.

1.- Aipatutako erakunde horrek aurkeztutako gastu-aurrekontu orokorra 23.457,89 €-koa da: Udalari eskatutako dirulaguntza (20.108,00 €) gehi aurreikusitako diru-sarrerak (3.349,89 €) .

2.- Lasarte-Oriako Udalak hitzematen du gehienez ere 20.510,20 €-ko diru-ekarpena egingo duela, aldez aurretik 2026ko ekitaldirako bere Aurrekontu Orokorreko 1.6000.48101.33510 kontu-sailean izendatua.

ZORTZIGARRENA.- Dirulaguntza ordaintzeko epeak eta moduak

Diru-ekarpen hori honela ordainduko da:

- %60 hitzarmen hau sinatutakoan.
- %40 2027ko martxoan, ardurapeko adierazpena aurkeztuta, non adieraziko baita %60 aplikatu dutela proiektua gauzatzen.

**BEDERATZIGARRENA.- Dirulaguntza justifikatzeko epea eta modua.**

1.- Justifikazioa aurkezteko gehieneko epea, 2027ko uztailaren 15a izango da eta aipatutako epe hori betetzen ez bada, dirulaguntza justifikatu gabe geratu dela ulertuko da eta, hala egokituz gero, itzuli egin beharko da legez aurreikusitako bideak erabiliz, baldin eta dirulaguntza hori borondatezko bidetik itzultzen ez bada.

2.- Dirulaguntza honen zenbatekoari kasu eginez, justifikatzeko modalitatea Justifikazio kontu sinplifikatua izango da, elkarteko lehendakariak edo idazkariak nahiz diruzainak izenpetua, eta gutxienez, ondorengo informazioa jasoko du:

- * Hitzarmen honetan ezarritako baldintzak bete izana justifikatzen duen jarduera-memoria bat, egindako jarduerak eta erdietsitako emaitzak adieraziz.

- * Jardueraren gastu eta diru-sarrera guztien zerrenda sailkatu bat, onetsitako aurrekontuan aldeztetik ezarritako banaketarekin bat etorriko dena, hartzekodunaren nortasuna eta agiria, horren zenbatekoa, jaulkipen-data eta, hala egokituz gero, ordainketa-eguna ere adieraziz.

“Laginketa” prozeduraren bidez izango da justifikazioa, eta zehazki eskatutako diren gastuen justifikazioa fakturen jatorrizkoak eta kopiak eta merkataritza-zuzenbideko trafikoan erabiltzen diren edo administrazio-eraginkortasuna duten balio frogagarri baliokideko gainerako agirien jatorrizkoak eta kopiak aurkeztuz egiaztatuko da.

- * Dirulaguntza jaso duen jarduera finantzatu duten gainerako diru-sarrera, baliabide edo dirulaguntzei buruzko xehetasuna, horien zenbatekoa eta jatorria adieraziz.

3.- Aurkeztutako justifikazioa egiaztatzeko beharrezko jotzen duen informazio eta dokumentazio guztia eskatu ahal izango du Lasarte-Oriako Udalak; eta “moneta-unitateen” laginketa-teknikak erabiliz, egoki ikusten dituen frogagiriak egiaztatu ahal izango ditu, dirulaguntza egoki aplikatu izanari buruzko arrazoizko ebidentzia erdietsi ahal izateko, eta horri begira, aukeratutako gastuen frogagiriak bidaltzeko eskatu ahal izango dio onuradunari.

4.- Hitzarmen honek aipagai duen jarduera burutzearekin zuzenean loturiko frogagiriak bakarrik onartuko dira. Ez da onartuko hitzarmen honen xede den jardueraren programak berezkoak ez dituen otordu, bazkari, ospakizun, elikagai eta antzeko izaera duten beste batzuen justifikaziorik.

5.- 2026-2027 ikasturtean garatu beharreko programa eta horren aurrekontua, hitzarmen honen eranskin gisa datorrena, oinarritzko eredu gisa erabiliko da justifikazioan.

6.- Dirulaguntzaren onuradunak aurkeztutako eskaera hori berridatzi egin dezake baldin eta azkenean onartu den dirulaguntza hasierako eskabide horretan ageri dena baino txikiagoa bada, bere konpromisoak eta jarduerak benetan emandako diru-zenbatekoaren arabera egokitzearen.

7.- Dirulaguntzaren helburuak bete ondoren, eta hitzarmeneko programaren batean aplikatu ez diren gerakinak erdietsi baldin badira, proiektu horretan bertan sortu ahal izan diren gastu gehigarrietarako erabiltzeko baimena eskatu ahal izango dio Udalari, baita izaera bera edo antzekoa duten eta dirulaguntza jaso dezaketen beste jarduera batzuetarako ere.

HAMARGARRENA.- Dirulaguntza jaso dezaketen gastuak

Dirulaguntza jaso dezaketen gastutzat hartuko dira ezarritako epearen barruan egiten diren guztiak eta diru-laguntza jasotzen duen erakundearen ohiko funtzionamenduak eragiten dituenak, betiere Lasarte-Oriako udal mugartean eta hitzarmen honen xede den epearen barruan. Diru-laguntza jaso dezaketen gastuen eskurapen-kostua inola ere ezin daiteke izan merkatuko balioa baino handiagoa.

HAMAIKAGARRENA.- Bermeen erregimena

Onuradunari ez zaio eskatuko bermeak aurkez ditzala, Hitzarmen honen arabera bere gain hartu dituen betebeharren erregimena ez betetzeko arriskurik aurreikusten ez delako.

HAMABIGARRENA.- Bateragarritasuna beste diru-laguntza batzuekin



Hitzarmen honen xede den diru-laguntza beste dirulaguntza batzuekin bateragarria izango da, betiere emandako zenbateko osoa jarduera horretarako aurrekontuan sartutako diru-kopuruaren % 100 gainditzen ez bada, eta hori gertatzen bada, dagokion gehieneko mugaraino murriztuko da dirulaguntza.

HAMAHIRUGARRENA.- Zerga-eta Gizarte Segurantzarekiko betebeharretan egunean dagoela egiaztatzea. Elkarreragingarritasuna

Hitzarmena sinatzen den unean, eta ordainketa jaso aurretik, hitzarmena sinatzen duen elkarteak zerga-betebeharrak eta Gizarte Segurantzarekikoak egunean dituela egiaztatuko da, horrez gain Dirulaguntzei buruzko azaroaren 17ko 38/2003 Lege Orokorraren 11. artikuluan onuradun izateko ezarritako gainerako baldintzak betetzen dituela egiaztatuko da

Lasarte-Oriako Udalak informazioa kontsultatu edo bildu ahal izango du Euskadiko Administrazioen Elkarreragingarritasun eta Segurtasun Nodoaren (NISAE) bidez egiaztatzeko:

- AGE- Poliziaren Zuzendaritza Nagusia - Nortasun Datuen Kontsulta – Egiaztapena

.- Euskal Autonomia Erkidegoko Foru Ogasuna, Nafarroa edo ZAEA: zerga-betebeharrak egunean izatearen kontsulta

.- Gizarte Segurantzaren Diruzaintza Orokorra: Gizarte Segurantzaren Diruzaintza Orokorrarekiko betebeharrak egunean ordainduta kontsultatzeko zerbitzua

AGE: Justizia Ministerioa: Sexu-delituengatik aurrekari penalik eta aurrekaririk ez dagoen kontsulta zerbitzua (soilik, adingabeekin lan egiten duten elkarrearen ordezkarien datuak egiaztatzeko)

Datu horiek kontsultatu edo bildu ez direla uste izanez gero, ordezkariak arrazoituta justifikatu beharko du aurka dagoela (EE Erregelamenduaren 21. artikulua). 2016/679 Datuak Babesteari buruzkoa), hori egiaztatzen duen dokumentua aurkezteaz gain.

☐ Ez dago aurka.

☐ Bai, aurka dago eta dokumentazioa aurkeztuko du

Erakundeak egunean izan beharko ditu Foru Ogasunarekiko zerga-betebeharrak, Lasarte-Oriako Udala eta Gizarte Segurantzarekikoak barne. Horretarako, aipatutako erakundeek emandako ziurtagiriak aurkeztu beharko dituzte, udalarena izan ezik, ofizios egiaztatuko baitu, hitzarmen hau sinatu baino sei hilabete lehenago.

Bi sinatzaileek hitzematen dute Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoan ezarritakoa beteko dutela.

Sekretu profesionalaren betebeharra era guztietako informazio konfidentzialetara zabaltzen da, hori erdietsi den modua edozein izanik ere. Betebehar honek ez du inolako denbora-mugarik, eta zerbitzu profesionalen prestazioa amaitu ondoren edo erabiltzailea hil ondoren ere bere horretan iraungo du.

Egiten diren jardueretan, erabiltzaileei jakinaraziko zaie erdietsitako informazioaren konfidentzialtasuna gordetzeko eskubidea dutela eta, halaber, zein diren sekretu profesionalaren mugak.

HAMALAU GARRENA.- Konfidentzialtasunaren betebeharra. Datu pertsonalen babesa. Gardentasuna.



Hitzarmenak irauten duen bitartean, eta haren ondoren, hitzarmen honen ondorioz erakunde sinatzaileek erabilitako eta helarazitako informazioa Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoan eta Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduan (datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa eta 95/46/EE Zuzentaraua (Datuak Babesteko Erregelamendu Orokorra) indargabetzen duena) arautuko da.

Hitzarmena argitaratuko da Dirulaguntzen Datu-Base Nazionalen eta Lasarte-Oriako udalaren Gardentasun atarian.

HAMABOSGARRENA.- Hitzarmenaren jarraipena

1.- Hitzarmen hau jarraitzeko eta kontrolatzeko, alderdi jarduleek elkarren arteko adostasunez erakunde parte-hartzaileek izendatzen dituzten ordezkariak osatutako batzorde bat eratu ahal izango dute, eta egoki jotzen duten maiztasunez egingo dituzte bilerak

Hitzarmen honen garapenean sor litezkeen gorabehera guztiak ezagutzeko eta horiek ebazteko ahalmena izango du batzorde honek.

2.- Hala ere, barne kontrola egokituko zaie Udal Kontu-hartzailetzari eta kanpoko kontrol-organoei.

HAMASEIGARRENA.- Ez betetzeagatiko erantzukizuna.

Justifikaziorik ez badago, jasotako eta justifikatu gabeko zenbatekoak itzuli beharko dira, eta ez da dirulaguntza berririk emango.

Dirulaguntzen onuradunari dagozkion egiaztapen-jarduerak egin beharko zaizkio, eta helburu bererako beste dirulaguntza batzuk lortu baditu dirulaguntza eman duen organoari jakinarazi beharko dio.

Lasarte-Oriako Udalak beretzat gordetzen ditu laguntzen eta dirulaguntzen espedientei buruz egokitzen jotzen dituen gainbegiratze-eginkizunak. Nolanahi ere, behar ez bezala lortu, erabili edo justifikatu izanaren zantzurik ikusten bada, indarrean dagoen legerian aurreikusitako neurri egokiak hartu ahal izango ditu.

Era berean, dagozkion legezko prozeduren bidez, emandako laguntzak zertarako eta nola erabili diren egiaztatu ahal izango du.

Erakunde onuradunak dirulaguntzen arloan egin ditzakeen arau-hausteei eta administrazio-zehapenei dagokienez, Dirulaguntzei buruzko Lege Orokorren IV. Tituluan eta araudian xedatutakoa beteko da.

HAMAZAZPIGARRENA.- Bertan behera uzteko eta azkentzeko arrazoiak.

Ondorengo arrazoiak hitzarmen hau amaiaraztea eta baliogabetuta uztea eragin dezakete

- a) Hitzarmen honen xede diren eta jaso diren diru-ekarpenak emandako helburu horretarako ez erabiltzea Elkarrekin
- b) Erakundearen jarduerak behin betiko bertan behera uztea, edota ekitaldiaren barruan sei hilabetetik gorako epe batez horiek bertan behera uztea
- c) Hitzarmen honen xede diren ekarpen ekonomikoen kontura egindako gastuak dagokion dokumentazioaren bitartez justifikatzeko betebeharra ez betetzea, eta horrez gain, indarreko legeriaren arabera urratu diren erantzukizunak eskatu ahal izango dira
- d) Hitzarmen honetan jaso diren hizkuntza-konpromisoak behin eta berriz ez betetzea
- e) Zabalkundea emateko xedez hitzarmen honetan xedatutako neurriak hartu beharra ez betetzea



- f) Eta oro har, agiri honen arabera erakundeak bere gain hartu dituen obligazioen beste edozein ez-betetze, baldin eta oso larritzat jotzen bada

Lasarte-Oriako Udalari egotzi ezin zaion arrazoi bategatik hitzarmen hau amaiarazteko espedientea abiarazten bada, jasotako diru-zenbatekoak itzultzeko eskatuko dute zerbitzu ekonomikoek eta, hala egokituz gero, baita berandutza-interesak ere dagokion lege-interesaren arabera

HAMAZORTZIGARRENA.- Itzulketa

1.- Onuradunak helburu, jarduera eta proiektu horiek guzti-guztiak bete beharko ditu, Hitzarmen honen oinarri diren jokabideak hartu eta hori dela eta bere gain hartutako konpromisoak bete.

2.- Proporzionaltasunaren irizpidea kontuan izanik, dirulaguntza emateko oinarri izan ziren helburu, jarduera, proiektu edo jokabideen balizko urraketak sailkatuko dituztenak, eta jasotako zenbateko osoa edo horren zati bat itzuli behar den edo zenbateko hori osorik edo horren zati bat kobratzeko eskubidea galdu den erabakiko dutenak, eta horiez gain, Dirulaguntzen Udal Ordenantzaren izaera orokorrean ezarrita daudenak.

HEMERETZIGARRENA.- Araudi Erregulatzailea.

Ondoren aipatzen diren araudi erregulatzaileen mende egongo da hitzarmen honen xede diren laguntzak ematea

- 38/2003 Lege Orokorra, azaroaren 17koa, Dirulaguntzei buruzkoa:
- 887/2006 Errege Dekretua, uztailaren 21ekoa, Dirulaguntzei buruzko Lege Orokorraren Erregelamendua onesten duena
- 130/2019 Errege Dekretua, martxoaren 8koa, Dirulaguntzen Datu-base Nazionala eta dirulaguntzen eta gainerako laguntza publikoen publikitatea arautzen dituen
- 19/2013 Legea, abenduaren 9koa, gardentasunari, informazio publikoa eskuratzeko bideari eta gobernu onari buruzkoa
- Dirulaguntzak ematea arautzen duen Udal Ordenantza, Udal Batzarrak 2011ko maiatzaren 12an behin betiko onetsia (126 zk. GAO, 2011ko ekainaren 29koa)
- Lasarte-Oriako Udalaren 2024-2026ko Dirulaguntzen Plan Estrategikoa
- Hitzarmen honetan jasotako klausulak



HOGEIGARRENA.- ERANSKINAK.

Emandako dirulaguntza edo diru-ekarpena arautzen duen hitzarmeneko klausula hauek garatuz, jarrian deskribatzen diren Eranskinak doaz honekin batera:

* I. ERANSKINA.- Hitzarmen honetan jasotako zerbitzu eta jardueren deskribapena.

Hitzarmen honetan jasotako zerbitzu eta jardueren deskribapena.

LEHEN KLAUSULAN jasotako jarduerekin bat etorritik, Elkarrekin hitzarmen du 2026-2027 ikasturtean ondorengo jardura hauek burutuko dituela:

1.- Gurasoentzako euskarazko eskolak

Haur Hezkuntzako guraso erdaldunei euskara ikasten hasteko edo hobetzeko 100 orduko eskolak ematea da helburua. Gurasotegi izena ematen zaio eta talde bat sortzea dago aurreikusia.

* Gehieneko aurrekontua guztira:

2.772,00 €

* Finantzaketa: Udalak gehienez ere ondoko € arte finantzatu du:

2.772,00 €

2.- Eskolako egutegia

Familiei haurrek osatutako egutegiaren bidez Euskal Kultura ezagutaraztea

* Gehieneko aurrekontua guztira:

1.500,00 €

* Finantzaketa: Udalak gehienez ere ondoko € arte finantzatu du:

1.500,00 €

4.- Gu ere bertsoetan

LH5 eta LH6 ikasmailatako 4 taldeetan. Bi astez behin ordubete talde bakoitzeko.

* Gehieneko aurrekontua guztira:

9.820,89 €

* Finantzaketa: Udalak gehienez ere ondoko € arte finantzatu du:

9.820,89 €

5.- Arantzako aterpean egonaldiak

LH5eko haurrak Arantzako Arantzako Euskaraz Blai barnetegiaz gozatzera eramatea. Hiru egunez, haurrak euskaraz murgiltzeko eta hizkuntza bizi eta erakargarritzat hartzeko.

* Gehieneko aurrekontua guztira:



2.615,11 €

* Finantzaketa: Udalak gehienez ere ondoko € arte finantzatuko du:

2.615,11 €

6.- Hezitzaileek asko egin dezakete

Eskolaz kanpoko jardueretan diharduten hezitzaileak hizkuntza-kudeaketan formatzea da, jarduera horiek euskaraz gauza daitezen.

* Gehieneko aurrekontua guztira:

750,00 €

* Finantzaketa: Udalak gehienez ere ondoko € arte finantzatuko du:

750,00 €

7.- Patioan tinko:

Egitasmoaren helburua da ikasleen artean euskararen erabilera sustatzea jolas garaian, jolasak eta aisialdiko jarduerak baliatuz.

* Gehieneko aurrekontua guztira:

2.700,00 €

* Finantzaketa: Udalak gehienez ere ondoko € arte finantzatuko du:

2.700,00€

AURREKONTUAREN LABURPENA

Gastuen Aurrekontua

Diru-sarreraren Aurrekontua

* Gastu Guztiak

23.457,89 €

* Bestelako sarrerak

3.349,89 €



LASARTE-ORIA

UDALA-AYUNTAMIENTO

* Justifikaziorik gabe (%0)

0,00 €

* Udal diru-laguntza

20.108,00 €

* Bestelako diru-laguntzak

GUZTIRA

23.457,89 €

GUZTIRA

23.457,89 €

ESKU2c9534fc-28f2-4b17-acc9-f87c3527a20e

Eta, horren froga eta adostasun gisa, agiri hau digitalki izenpetu dute.

Burunzpe guraso elkarteak

Alkatea

Alfonso García Clavo jauna

Agustin Valdivia Calvo jauna

Nire aurrean:
Lasarte-Oria Udaleko jarduneko idazkaria

Sin.: Angel Uranga Churruca

